

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

الشعب الفايز
اداء طه سليمان

قصيدة تتحدث عن محبة الشعب السوداني وتعظيمه للنبي صلى الله عليه وسلم

السودان الكان ما اتحول
حب النبي ترتيبو الأول

قوم يا شعبي وشيل الجايزه
كرامة الامه النايله وحايزه
أمة كريمة تغرد عايزه
وبي حب احمد دايمافايزه

قوم واستعلى بكل شموخ
حبك اصلي شباب وشيوخ
حب في عمارة ومنزل وكوخ
وتذكر تعرض كالصاروخ

حبك اصلي وما مصنوع
تعز النبي اول موضوع
حب الساس جذور وفروع
اذاعة الكوثر للمشروع

صلاة النبي فوقك يا شعبي
شعب عزيز يركب للصبعب
شعب جميل يمسح للتععب
لسان حسان ومدايح كعب

دهبنا الاحمر نهوي نبينا
طريق الرسل وآدم أبينا

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

حب في ذاتنا يضوي جبيننا
حب يتسامى وفينا مبيننا

دي هوايتنا شريعة وسنة
نحبو كتير لا شك لا ظن
يشهد لنا البرعي الغنى
في الساحات درويشا حنى

صلاتنا عليك لضو انوارنا
تشمل كل حبيبنا وجارنا
تزيل احزاننا تنور دارنا
وتغفر بيها لكل الزارنا

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

لبيك لبيك

اداء نجود ومجموعة بشائر المصرية

قصيدة في الدفاع عن النبي صلى الله عليه وسلم في الهجمة الغربية

لبيك لبيك يا حبيب الناس
يا شفيع الباس
يا مزيل الياس
لبيك لبيك يا عالي الرأس
في المائدة سبعة وستين
مكتوبك عصمة وتحصين
يا سيدي وأنا قلبي حزين
من صحفي كالافعى دفين
حرية حسب المطلوب
الحق الظاهر هو المقلوب
دين الاسلام دائما مسلوب
ونور الايمان لازم مغلوب
حرية تجرح في التقوى
حرية تناصر للاقوى
تشريع للفوضى واللغو
وثقافة هامش والرغوه
ثقافة اللافاش كيري علينا
وكوبنهاجن تبقى مدينه
شعب الدنمارك يبقى ولينا
وكل أوروبا تبقى وصينا
سلامي عليك ظاهر وبادي
صلاتي عليك نورنا الهادي
من كل عربي واقصى بلادي
تكون الخير ونعم الزاد

ديوان القمر الهاشمي

الراوي الدكتور / خالد أحمد المصطفي (رحمه الله)



المديح السياسي

صل الله عليك وآلك

أداء ثلاثي نجود ومنى اش واش واميرة عامر

قصيدة في الدفاع عن النبي صلى الله عليه وسلم

مايكل هارت قال مافي مثالك
جورج برنارد عظم لخصالك
دا كورت ويستير
معرشني كمالك
يا حبيبنا ما يجيش على بالك
صل الله عليك وآلك

ومن عهد صباك طيبة فعالك
وامين وعظيم كريمة خلالك
ومن غير توفير
بتوهب مالك
وتعطي كمان لا تدري شمالك
صل الله عليك وآلك

انام في الليل اتمنى وصالك
منايا أشوف لو حتى خيالك
كاليد منير
يوم هل هلالك
وجانا الدين نور فيهو جمالك
صل الله عليك وآلك

وكل الاكوان بترجو نوالك
دا ثعبان وبغير ثم غزالك
وشجر يسير
وجاكا دنالك

ديوان القمر الهاشمي

الراوي الدكتور / خالد أحمد المصطفي (رحمه الله)



المديح السياسي

وطير مذعور أتك وشكالك
صل الله عليك وآلك

جبريل يا حبيب حط رحالك
وسؤالو إزاي حالك واحوالك
كان ليك وزير
ويرقي عيالك
ورب الكون هو اللي رمالك
صل الله عليك وآلك

من قمت يتيم بترعى حلالك
وبي حبلى الله واصلة حبالك
وليك هم كبير
ويشغل بالك
كيف تنجينا من نار مالك
صل الله عليك وآلك

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

انت يا سودانا رائع اداء ثنائى الصحوة

قصيدة تتحدث عن وحدة الشعب السودانى تحت راية الحبيب المصطفى صلى الله عليه وسلم

انت يا سودانا رايع
شعب وجيشك
شرطة أمنك
كلو بيحب الشرايع

شعب مختلف الطبايع
وشعب بالاسلام طابع
وشعب للرحمن يبايع
شعب يوهب حتى جايع

سودانا امة قوية عودا
دي امة بتنافس جدودا
قوة في ركوعا وسجودا
وامة بالبسمات ودوده

ونحن وحدتنا في نبينا
من شيوخنا إلى صبينا
شوفو أنوارا في جبيننا
وتعبد الله المبيننا

أمتنا في الاخلاق غنيه
وفي العبادة اساسا نيه
دي تعشق الآل والبنيه
وتكره الدنيا الدنيه

بالملكي والميري ندانا

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

عربي لهجاتنا ورطانه
وهمومنا للوطن الامانا
وليس في الصف جبانا

ولما جيش العادي طفل
كل زول في الساحة اول
والصراع ما زاد وطول
دا شعب ما بحظر تجول

دي أمة مهتمة بصلاتا
من الرعية كمان ولاتا
وحب نبينا يزيد غلاتا
وقول محمد كل حياتا

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

الوطن العربي
اداء مجموعة من الفنانين السودانيين
قصيدة في المحبة والتعظيم

رسول الله يا قدوة شعبي
عليك يصلي وطننا العربي

يا مصر وليبيا والسودان
وتونس وأردن وكل عمان
والصومال سوريا ولبنان
نصلي عليهو كمان وكمان

كويت والمغرب والبحرين
وقطر وعراق ثم فلسطين
وشعب سعودي يعز للدين
ويمن وجيبوتي يا مصلين

وأهل جزاير وموري تانيا
وأمارات مبروكة وهانيه
فنحن نصلي بكل علانيه
ونفرح بعد الدنيا الفانيه

الشعب العربي حب رسولو
صلي عليهو وزاد محصولو
وكيف ما يحبو وهو أصولو
دا سيدنا محمد ورد فصولو

دا اسم محمد مالي بلادنا
وخاتم رسمي لكل ولادنا

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

عيد ميلادو هو عيد ميلادنا
ويشفع لنا يزيد اسعادنا

الشعب العربي دا امة سعيده
هي امة رسولنا محمد عيدا
حضارة الأمة رسالة جديده
وصلاة النبي في وردك زيدا

وطنا العربي يصلي الاكثر
حب النبي نفرح ونتبخر
صلوا عليه لا نكل لا نفتر
نسلم برضو ونملى الدفتر

صلي يا شعبي وصوتك عالي
صلوا يا امي وعمي وخالي
يا كل شعوبنا نساء ورجال
لسيدنا النبي سلموا يا عيالي

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

يا قمر

اداء نسرين هندي ومحمد الخاتم

قصيدة في الدفاع عن النبي صلى الله عليه وسلم من الهجمات الغربية

يا قمر في دنيا وآخره
يا شمس لي امة فاخره
كم قلوب تحشد وداخره
وبالحنان لي طه زاخره

إنت في هاماتنا نجمة
وما بتطولك أي هجمه
واليخالفك آخرو رجما
وما بيزيدك إلا حجما

كم دني والمارك ساهي
وقلبي في جوه الملاهي
ما عرف معنى النواهي
بس تجيك منو الدواهي

أطيب الاجناس خامتك
اعظم الهامات هامتك
أطول القامات قامتك
وافخر الاختام شامتك

إنت في دنيانا غاية
وانت للأكوان رايه
وانت في الاتجيل آيه
وانت أيضا بشرى جايه

أملني منك كاس محبه
ونروى منك حبه حبه

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

وبالحنان أرواحنا تحبى
لرسول والآل وصحبا

من فؤاد مجروح وهامي
صلي ربي على التهامي
والسلام مطر الرهامي
يكفي لي رد السهام

السلام بالطيب و عنبر
عددو بالمليار واكثر
من قناة ساهور وكوثر
للنبي المعصوم وأنور

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

الملك عبد الله

اداء عبده شرف

قصيدة بمناسبة قرار الملك السعودي عبد الله بفتح المسجد الحرام ليلا ونهارا
للزائرين والمعتكفين والمحبين

قول لساني وجيب
في صفاتو عجيب
عربي بدوي نجيب
يرضي ربه مجيب
الملك عبد الله
خادم الحرمين

ترى مسجد المصباح
فاتحنوا ليل وصباح
كم من محب ارتاح
بامر الولي الواضح
الملك عبد الله
خادم الحرمين

يا طيبة بيكي وفيها
ومبروك لكل مزيه
والتوسعة الشرقيه
هم الكريم ونديا
الملك عبد الله
خادم الحرمين
منع الركوع والذله
لغير رب القبله
أشاع مبادي العدل
ان شاء الله يبقى ويعلا
الملك عبد الله
خادم الحرمين

ديوان القمر الهاشمي

الراوي الدكتور / خالد أحمد المصطفي (رحمه الله)



المدح السياسي

يعتز بكونو خدوم
راحة الحجيج مهموم
في طيبة مكة عموم
دا عالي مثل نجوم
الملك عبد الله
خادم الحرمين

توسيعو للجمرات
تسهيله للعمرات
تعظيمه للحجرات
تيسيره للنفرات
الملك عبد الله
خادم الحرمين

صل ربي صلاتا
عد نجوم ونباتا
لي نبينا وآله
تنجو بيها نجاتا
والملك عبد الله
خادم الحرمين

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

غارو من زيك

اداء ثنائى الصحوة اشرف وهشام

قصيدة فى الدفاع عن النبى صلى الله عليه وسلم ضد الهجمات الغربية
والاوربية الظالمة

غارو من زيك
يا رسول الله
حاروا فى ضيك
يا نبى الله

فى الدين يلهونا
فى الحق يسهون
والروح مرهونه
وبالظلم مدهونه

والبلدو بلجيكا
فى البلاد ديكا
سندو امريكا
ويرسمو نبيكا

حضارة عريانه
بالسم هاريانا
وريد وشريانا
وماها دريانه

يا أحمد الماحي
وشعبك الصاحي
يفديك بأرواحي
ويزيد لأفراحي

لبيك يا سيدي

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

فك رباط ايدي
مارجريت كيدي
ويا رياح زيدي

قلبي فيك هايم
فكري فيك حايم
بي ربنا الدايم
سيهلك الضايم

ده القوام بانه
طرفو ده سبانه
رحمتو حباننا
وقلبو ما ابانا

صلي يا غافر
بي عدد وافر
بي ملاك سافر
وتدمر الكافر

ديوان القمر الهاشمي

الراوي الدكتور / خالد أحمد المصطفي (رحمه الله)



المديح السياسي

فاشل سهمك

اداء نسرين هندي

قصيدة للدفاع عن النبي صلى الله عليه وسلم ضد الحملات الاوربية

فاشل سهمك يا دنمارك
بئد متخلف وقلبك دارك

ليه بتسبي نبينا العربي
انتي عديمة دين والادب
باكر ينزل فيكي الجذب
ينزل فيك بركان الغضب

دوله تهين معنى الحريه
والاخلاق عندها ممحيه
فساد الروح قصتومحكيه
ودين الرب ممنوع كليه

وبنأسف إنك من أمتنا
ما إنتي عقاربنا وحيثنا
ما انتو فضايحكم بكتنا
نرجو دريكم ما سكتنا

شعب عديم الاصل وكيان
ويا دوله عليه بلا ربان
بتسخروا من دين الاديان
وتشتموا دين الامة عيان

يا دولة كليله ثقافه عليه
قول الدانمارك فاقدنا دليلا

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

تصدير ألبان وجبنة قليله
ما تساوي كمان ربع قبيله

دا املكم طه يوم الزحمه
وبكرة تفتشوا ليه للرحمه
لما النيران لجلودكم فحمه
تلقوا جهنم بيكم تحمي

صلاتي عليك النور الهادي
عدد المكتوم وظاهر وبادي
عد ما سال الماء في وادي
يكون بي سببه عذاب العادي

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

مارجريت

اداء عبد العظيم الفاضل

قصيدة في الرد على الملكة مارجريت

بسم الله بالديان بديت
بي طاعة الرحمن نجيت
للعاني والمظلوم كفيت
الطاغي والطاغوت فنيت

وبثني بالهادي وفديت
روح قلبي غيرك ما هويت
بي نورو للدين اهتديت
غير بيتو ما بسكنلي بيت

قول ريتني مت وما قرئت
الحكمة وحديث مارجريت
العنف وارهاب واقتريت
من خلى دينو يقول نجيت

لو عرفو قامتك يوم سرريت
و يا طه من ربك دنيت
بالخمسة والخيرات أتيت
وبي لمسة للعيان شفيت

لو عرفو إنك ما عتيت
يا الفي شبابك ما لهيت
وفي سجودك كم بكيت
لا فيك ظلامه ولا جنيت

بالجوع شهورا كم طويت

ديوان القمر الهاشمي

الراوي الدكتور / خالد أحمد المصطفي (رحمه الله)



المديح السياسي

كم شربة للظمان رويت
وكان عفوك لعدوك جزيت
وتلاعب الاطفال حبيت

بالبر والمعروف سعيت
لا قلت شرا لا هجيت
لا صرت ملكا لا طغيت
بل قلت للاغنام رعيت

صليت على نوري ونويت
بصلاتي للظالم كويت
في قلبو يتعذب شويت
لا يشفى لا يقول انطفيت

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

شعب السودان

اداء معتز صباحي

ألحان محمد الحسن إبراهيم

شعب السودان يحبك
يا رسول الله
كل السودان يعزك
يا عظيم الجاه

نحبك نحن اكثر ناس
وفيك نتحدى للاجناس
حبك في ضلوعنا أساس
وحجر الساس

وحاتك يا حبيب الروح
وين ما تروح
نقابلك بي قلب مشروح
ووش مطروح

نقابلك بي فرح صوفي
ندق التوبه في الساحات
ونكتب بي حرف كوفي
محمد زينة المدحات

وفينا محبة أثارك
وأقدامك طريق دارك
ونغبط كل من زارك
ونحسد في الجوار جارك

في سودانا يا محبوب
كل الشعب مشتاق ليك
سعادتك بالاسم مطلوب
يفكر فيك ويحلم بيك

حبك ثروة قومية

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

نصلي نجدد النيه
ونسبة طه في الاصوات
فانت ميه في الميه

صغارنا كبارنا في بلدي
صلاة وسلامنا بالآلاف
لحضرة صاحب المدد
لأهل قريش بالآلاف

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

حبك اصيل يا شعبنا

حبك اصيل

يا شعبنا

وطبعك نبيل

سودانا نحن وشرعنا
منهج عظيم لي جمعنا
سيرتو بتنزل دمعا
وحب النبي في طبعنا

احمد حياتنا وشرعنا
ملجأ نفوسنا وزرعنا
عنوان بلادنا وربعنا
من طيبة يطلع فرعنا

محبة خالصة في طبعنا
لاحمد نبينا وضرعنا
بالرحمة يسكن روعنا
في الآخرة وأولى نبعنا

في كل قبيلة يسرنا
بالشايقي قمة فننا
والجعلني يعرض هزنا
والمحسي سواو الغنا

الشكري ولع شمعنا
وادرؤب يقول يا نبعنا

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

ناس دنقلا بالعندنا
وبجاوي جابا ملحنة

بطحائي للمحبوب دنا
فوراوي قال يا حبنا
زغاوي حج ومدنا
الحمري قال زي درعنا

اولاد رباط نعم الجنى
كباشي يقدل في منى
والكاهلي قالا ولقنا
حساني يمدح بالهنا

حميد مجيد يا ربنا
صلوات على محمودنا
احمد خلاصة حبنا
توقيع اسم سوداننا

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

شوق بلدنا

شعبنا شوقه ماليه
ويذاكر في اماليه
ويفرح بي اليماليه
ويحتار قلب خاليه

حسرة شوق لياليه
والنخلات علاليه
كتاب في طيبه تاليه
لحضرة سيد معاليه

شعبنا سيدنا واليه
وريدك قلبه جاليه
ومجك بيرنا حاليه
واسمك في طباليه

سودانا واهاليه
وبيك تسعد لياليه
ورايته في علاليه
ومسكك من غواليه

بلد عاشق وهاويه
وجوه القلب طاويه
وحبك والله كاويه
كمان ماليه شاويه

ومين يقدر يقاويه
وفي ريدك يجاريه
او شعبا يخاويه

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

وعشقتك نبع راويه

واسمك في معانيه
لشعبنا في مغانيه
واسمك في مبانيه
يصلح تار وجانيه

بأد بالفرحه كاسيه
لا خلاه وناسيه
واسمه يحل لقاسيه
ويفرح للبواسيه

جل تعالى باريه
يعرف صنعه داريه
ونور النور يواريه
شعبنا حبه شاريه

شعبنا بالهنا الفيهو
جميع نتبري جافيه
ونحلم يوم نوافيه
نشرب منه صافيه

صلاة مرسوله واديه
لمن للكون هاديه
ورائده وحاديه
عدد رائح وغاديه

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

نشيد الوحدة

قول لا شمال بلا جنوب
قول لا جنوب بلا شمال
نحن بالحب في القلوب
سوداني ما فينا انفصال
نحن سودان مافي تقسيم
كله واحد شعب سودان
لا حدود خرطات وترسيم
الشمال وجنوبنا اخوان

نحن وحدة سنين طويله
عشنا في ارضك بلادنا
من جوبا وكسلا واويلا
كلهم في العز ولادنا
وادي حلفا تنادي نمولي
نحن كلنا في وطننا

يا كريم حقق لي املي
بي لسان عربي ووطننا
في بلد واحد حياتنا
مافي فيزا دخول خروج
كل ايبن هو ذاتنا

نحن في العالم عروج
قولوا جيباك لي بعضنا
مافي مشكله مافي دشمان
نحن في نيفاش وعدنا

والحوار كان مان تو مان
نحن زي الشمس اكول
نجيبو دمدمام جيبو مويه
نجيبو كبري طلوع نزول
في الجنوب امي وابويا
بلدنا سودان الجمعنا

ونحن لازم نو انفصال
نحن صوت الحق سمعنا
نحن لازم حب وصال

ديوان القمر الهاشمي

الراوي الدكتور / خالد أحمد المصطفى (رحمه الله)



المدح السياسي

مدفع رشاش

آمنت برب العرش وتركت النوم وفرشي
في كفي مدفع رشاش وعلى كتفي نعشي
يامنتقم شديد البطش الله سندي الله سندي
عليك يا وحش

غزة جبل شاهق غزة الايمان
يا غزة عدوك زاهق نال الخسران
وسياتي الفجر الصادق بجحافل نور القرآن

لا للقصف الظالم ونار الفوسفور
بشرى الامل القادم مضيق البوسفور
سيعود الوطن السالم ويعود البيت كما المسطور

طفل يذبح علنا شاهد مشهود
بيتي امسى ظللا والقصف رعود
فالخطب يا امي جللا في يوم ما لا بد اعود

صلي يارب القدرة على فارس الكون
زائر تلك السدرة أمين مامون
بمصير يهود الخيبر يفرح قلبي المحزون

الف تحيه يا سودان

الف تحية يا سودان صلاتك للنبي العدنان

ديوان القمر الهاشمي

الراوي الدكتور / خالد أحمد المصطفى (رحمه الله)



المديح السياسي

شعب يصلي في كل آن بي حب طه قلبه ملان
جمال المسك والريحان صلاة العربي والرطان

صلاتك بي وداد وحنان صلاتك تتكتب اشجان
ولمن تسمع الاذان بتجري تكمل الاركان

شعبنا قمة الاحسان شعب الهمة والصيوان
شعب مهيرة والفرسان هو شعبك يا نبي الاكوان

نحن سلامنا بي الاحضان نشرب فيك نبينا جنان
نصلي وندعي بالابدان ونمدح طه بالالخان

شعب جماله لايج وبان يقول اوراده كل زمان
يطيب ليهو كل مكان نحفظ بيها من فتان

دا شعبنا مختلف الوان ومتكلم بالف لسان
معادو تربي للرحمن ومغرم زي بلاد ملخان

ونرسل للنبي البرهان صلاة غاية في الاتقان
وتسليما من السودان للمختار عظيم الشأن